

ERASOA ESTATU BATUEN AURKA



PAUL HAWTHORNE / AP

HONDAMENDITIK IHESI. World Trade Centerreko dorre bikietatik gertu zegoen jendea korrika atera zen eraikinak su hartzen ikusi zituztenean. Hala ere, hildakoak milaka izan daitezkeela uste da.

Giuliani: «Hildakoak gutako edonork jasan ditzakeenak baina askoz gehiago dira»

Biktimak, hegazkinetan zihoazen 266 lagunak barne, milaka izan daitezkeen beldur dira New Yorkeko alkatea eta beste agintariak



ERNESTO MORA / AP

SAMINA ETA URDURITASUNA. Estatu Batuetako herritarrek urduri eta negarrez erreakzionatu zuten atentatuaren ondoren.

Erredakzioa | DONOSTIA

«Hildakoak edonork jasan ditzakeenak baino askoz ere gehiago dira», adierazi zuen Rudolph Giuliani New Yorkeko alkateak hiriko dorre bikien eta Pentagonoaren aurka izandako erasoen ondoren. Izan ere, agintarien arabera, milaka izan daitezke hildakoak, hegazkinetan zihoazen 266 lagunak barne.

Erasoen ondoren berehala ipini ziren segurtasun nahiz ebakuazio neurriak indarrean. Lehenik eta behin gobernuak barruko eraikinak hustu zituzten. Lehenengo hiru erasoen ondoren, ez zen mehatxu gehiago jaso, baina Manhattan uharteren hegoaldea ebakuatzeko deia egin zuten, dorre bikiak erori ondoren.

Hiriko ospitale guztiak erabili zituzten ebakuazio planaren barruan, lehentasunezko neurria zaurituak erreskatatzeko izan baitzen. Agintariak ez ziren auzartu zauritu kopuruek datu zehatzik ematera, baina hildakoak milaka izan zitezkeela adierazi zuten. Lehenengo erasoaren ondoren, jendea dorreko lehioetatik salto egiten ikusi zitezkeela gainerau zuten. Hildako jende-



SUZANNE PLUNKETT / AP

KE ARTEAN GALDUTA. Dorreek su hartu eta erori ondoren hautsa eta kea zabaldu ziren inguruetan. Herritarrek horren ondorioz sortutako lainoaren artean ibili ziren.

aren kopuruak ematea oso zaila izan zen lehen mementoan, baina dorre bizkietan jarduten zuten 40.000 bat langileak eta bertara egunero inguratzen ziren 150.000 bisitariak kontuan hartuz gero, milaka lirateke erasoaren ondoren izandako hildako nahiz zaurituak.

Erasoetan erabilitako lau hegazkinak komertzialak ziren. United Airlines eta American Airlines konpainien hitzetan, 266 izan omen ziren lau hegazkinen barruan zihoazen hildakoak. United Airlinesen arabera, bidaiari eta eskifaikoaren artean 110 lagun zihoazen

konpainiaren bi hegazkinetan. American Airlinesenak ziren beste bi hegazkinetan, 166 lagun zihoazen bidaiariak eta eskifaikoak tartean. United Airlinesek adierazi zuenez, bere konpainiako 93 hegaldiko 757 Boeing-a eta 175 hegaldiko 767 Boeing-a bizki dorreen nahiz

Pentagonoaren aurka eginiko lau erasoetatik bitan erabiliak izan ziren. American Airlinesek ez du zehaztu bere konpainiako bi hegazkin aipatu erasoetarako erabili ote ziren, hegazkinen berri argirik ez baitute oraindik.

Ebakuazio neurriak

Segurtasun neurriei dagokienez, gobernuak barruko eraikin nagusiak ebakatu ondoren segurtasun neurri gogorak ezarri ziren bai aireportu bai garraio-bide nagusietan. Hala, Estatu Batuetara bidean zihoazen hegaldi ugari etxerako bidea hartu behar izan zuten. Manhattan uhartereko hegoaldea ebakuatzeko izan zen hartu zen lehen neurria; ondoren Florida hegoaldeak eman zien jarraipena segurtasun nahiz ebakuazio neurriei. New Yorkeko portuko agintarien hitzetan, ebakuazio lanak abian jarri eta eraso gehiagoren aurrean hiria zeharkatzen duten zubi nahiz tunelak itxi egin zituzten. Erreskate taldeetako 10.000 lagun eta segurtasun neurrietako beste hainbat aritu ziren dorre bizkiei eta Pentagonoari eginiko erasoaren ondoren sortutako hondamendiei aurre egiten.